



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA

MEDAC YAKIN RMKe-12 JANA SEMULA EKONOMI NEGARA SELARAS DENGAN ASPIRASI DASAR KEUSAHAWANAN NASIONAL 2030

PUTRAJAYA, 30 September 2021 – Kementerian Pembangunan Usahawan dan Koperasi (MEDAC) menyambut positif akan pembentangan Rancangan Malaysia Ke-12 (RMK-12) oleh YAB Perdana Menteri yang selari dengan aspirasi Dasar Keusahawanan Nasional (DKN 2030).

MEDAC berpandangan dalam tempoh yang mencabar ini, perincian RMKe-12 yang memberi fokus kepada usaha menjana semula ekonomi negara kesan pandemik Covid-19 akan memberi impak segera kepada usaha mentransformasi Perusahaan Mikro, Kecil dan Sederhana (PMKS) sebagai pemacu baharu pertumbuhan.

Di bawah bidang keutamaan utama bagi mempertingkatkan keupayaan usahawan dan perusahaan, sebanyak 3 strategi utama telah dikenalpasti yang merangkumi perincian berikut:

- i. Mewujudkan usahawan yang inovatif dan mampan;
- ii. Menggalakkan penyertaan inklusif melalui Perusahaan Mikro, Kecil dan Sederhana (PMKS), koperasi dan persatuan berasaskan pertanian; dan
- iii. Mewujudkan ekosistem keusahawanan yang kondusif dan menyeluruh.

Perincian strategi ini akan disokong dengan penyediaan inisiatif keusahawanan berteraskan akses kepada peluang pembiayaan, adaptasi teknologi dan digitalisasi, pembangunan kapasiti dan akses pasaran.

Melalui perancangan RMKe-12 yang bersifat inklusif ini, hampir semua kategori usahawan merangkumi PMKS, koperasi, perusahaan sosial dan usahawan informal akan menerima manfaat termasuk kumpulan khusus seperti usahawan bumiputera, wanita, B40, belia, asnaf, graduan, miskin bandar dan luar bandar serta orang asli/asal.

MEDAC komited dalam agenda melahirkan Bangsa Usahawan, selaras dengan aspirasi Keluarga Malaysia yang diumumkan oleh YAB Perdana Menteri baru-baru ini. Ini selari, dengan usaha mempertingkatkan keseimbangan ekonomi di wilayah kurang membangun, penekanan kepada aspek keusahawanan akan dipertingkatkan sebagai antara potensi peluang penjana pendapatan yang lebih menyeluruh.

Secara keseluruhannya, MEDAC akan memberi sokongan sepenuhnya dalam melaksanakan strategi dan inisiatif yang telah digariskan di bawah perancangan RMKe-12 yang akan diselaraskan melalui Kajian Pembangunan Pelan Strategik PMKS.

KEMENTERIAN PEMBANGUNAN USAHAWAN DAN KOPERASI